



Meeqqat tamarmik naleqarput

Alle børn er værdifulde

All children are valuable

Tusagassiorfinnut Nalunaarut Pressemeddelelse

MIO-p nalunaarusiaa nutaaq: Soriarsinnaajunnaarneq oqariartuutinningoraangat

Nalunaarusiap nutaap ”Soriarsinnaajunnaarneq oqariartuutinningoraangat. Innuttaasut MIO-mut saaffiginnissutaannut nalunaarusiaq” takutippaa, meeqqat inersimasullu meeqqat pisinnaatitaaffiinik sullissivimmut MIO-mut saaffiginnittartut, ikiorneqarsinnaannginnermi sapilerlutik misigigaangamik. Assersuutigalugu kommunini sullissinerit pinngikkaagata imaluunniit kukkusumik sullissisoqaraangat. Imaluunniit ilisimangikkaanni, sumut oqaloqateqarniarluni saaffiginnittoqarsinnaanersoq.

Avataanit MIO angalanermi nalunaarusiaminik kiisalu meeqqat inuusuttullu atugarisaannik oqallissaarisarnerminik ilisimaneqarneruvoq. MIO-p suliai, tusagassiorfinni tusagassiisutigineqartannginnerpaasut tassaapput, ulluinnarni allaffimmumut toqqaannartumik saaffiginnissutaasartut. Saaffiginnissutit, MIO-mut sianernikkut pisartut imaluunniit meeqqat inersimasullu Nuummi allaffimmumut toqqaannartumik saaffiginnittarneri.

Nalunaarusiap nutaap takutippaa meeqqat inersimasullu amerlanerujartortut MIO-mut siunnersortikkumallutik ilitsersuutsikkumallutillu saaffiginnittarnerannut pissutaat. Taassuma ersarissumik takutippaa qaqagukkut soorlu innuttaasut ikiorneqarnissamut pisariaqartitsisarnersut.

Oqartussaasut meeqqanik ilaqutarinnillu sullissinerannik nukittorsaanissamut nuna tamakkerlugu pisariaqartitsineq

”Nalunaarusiap nutaap siullertut takutippaa, oqartussaasut meeqqanik ilaqutariinnillu sullissineranni pitsanngorsaanissamut annertuumik pisariaqartitsisoqartoq. Tulliullugu kommunit Namminersorlutillu Oqartussat meeqqat, inuusuttut ilaqutariillu sumi qanorlu ikiorneqarsinnaanerat pillugu innuttaasunut annertunerusumik attaveqarnerunissaannut pisariaqartitsineq. Nunatut Naalagaaffiit Peqatigiit Meeqqat pillugit Isumaqatigiissutaat malissallugu kiisalu meeqqat tamarmik ikiorneqarnissaq illersorneqarnissarlu pisussaaffigisaat qulakkiissallugu immitsinnut pisussaaffilernikuuvugut”, taama oqarpoq Aviâja Egede

Lynge.

MIO-mut saaffiginnittarnerit amerlanerulersut ilaatigut takutippaat innuttaasut Naalagaaffiit Peqatigiit Meeqqat pillugit Isumaqatigiissutaannik ilisimasaqariartuaarnerat. Aammali ajoraluartumik takussutissaavoq, meeqqat pisinnaatitaaffii annertuumik malinneqanngitsut.

Meeqqat inersimasullu MIO-mut saaffiginnittarnerinut pissutaasut:

- Inuusuttut imminut toqunnissamik aarleqquteqarfiusut, kiisalu inuusuttut imminut ajoqusertartut
- Meeqqanik innarliinerit aamma atornerluinerit
- Meeqqat innarluutillit
- Meeqqat pimmatigineqartartut
- Meeqqanik angerlarsimaffiup avataanut inissiinerit, angajoqqaat, ilaqtariit imaluunniit angajoqqaarsiat soriarsinnaajunnaartutut misigisaqarfigisaat
- Meeqqat peroriartorfisik qimallugu meeqqat atuarfianni atuartut angerlarsimaffianni najugallit
- Meeqqat toqqissimangitsut imaluunniit navianartorsiortut
- Aaqqiagiinnginnerit pissutigalugit meeqqat atuarfimmit anisitaasut

Meeqqat Illersuisuata Aviâja Egede Lynge pingaartumik ernummatigai saaffiginnissutit, meeqqanik inuusuttunillu imminut toqunnissamik aarleqquteqaramik saaffiginnissutaasut:

”Saaffiginnissutit ajornerpaat tigusakkagut tassaapput meeqqat inuusuttullu imminut toqunniallutik siorasaarisut. Uatsinnut saaffiginnittarput nalugamikku sumi allami ikorneqarsinnaanerlutik. Tusarnaarsinnaasunik amigateqarput. Tamanna imminut toqunnissamik aarlerinartorsiortumut alianartupilussuullunilu kiserliornartorujussuavoq. Taakku naalliullutik ikioqqunerat tusaanngitsuusaarneqarsinnaanngilaq”, taama oqarpoq Aviâja Egede Lynge.

Meeqqat Illersuisuata suliassai:

- Meeqqat, inuusuttut angajoqqaallu pisinnaatitaaffinnik naammagittaalliorfissallu pillugit siunnersorneri ilitserornerilu
- Pisortat suliffeqarfutaat namminersortullut siunnersorneri ilitserornerilu
- Naalagaaffiit Peqatigiit Meeqqat pillugit Isumaqatigiissutaannut atatillugu meeqqat inuusuttullu pillugit inatsisinik suleriaatsinillu qulakkeerinnineq
- Meeqqat inuusuttullu atugaanik naliliineq
- Meeqqat inuusuttullu pillugit paasisutissanik katersineq ingerlateqqiinerlu
- Inuiaqatigiit oqallinneranni peqataaneq kiisalu meeqqat inuusuttullu peqataanissaannut kajumissaarineq
- Suliniutinik meeqqat atugaannik nukittorsaasussanik siunnersuuteqarneq

- Meeqqat Illersuisuat aamma Meeqqat pillugit Siunnersuisoqatigiit pillugit inatsit naapertorlugu pisortat suliffeqarfiutaanni namminersortullu suliffeqarfiutaanni meeqqat atugarisai pillugit paasissutissanik tamanik atorsinnaatitaaneq
- Suliani ataasiakkaani aalajangiisinnaanngilaq, kisiannili pissutsit nalinginnaasut pillugit oqaaseqarsinnaatitaalluni.

Nalunaarusiaq ”Soriarsinnaajunnaarneq oqariartuutinngoraangat. Innuttaasut MIO-mut saaffiginnissutaannut nalunaarusiaq” MIO-p nittartagaani nassaarineqarsinnaavoq.

Asannittumik inuulluaqqusillunga
Med Kærlig hilsen



Aviâja Egede Lyngø
Meeqqat Illersuisuat
Børnetalsmand
Avi@mio.gl
Tlf.: 531274